

R. Veni hodie ad fontem aquæ, et oravi Dominum, dicens : * Domine Deus Abraham, tu prosperum fecisti desiderium meum. **V.** Igitur puella, cui dixero, Da mihi aquam de hydria tua, ut bibam : et illa dixerit, Bibe domine, et camelis tuis potum tribuam : ipsa est, quam præparavit Dominus filio domini mei. — Domine.

Bened. Divinum auxiliū.

Lectio ij.

QUI ergo immoderato cultu corporis atque vestitu, vel ceterarum rerum nitore præfulget, facile convincitur rebus ipsis, pomparum sæculi esse sectator, nec quemquam fallit dolosa imāgine sanctitatis. Qui autem in professione Christianitatis inusitato squalore ac sordibus intentos in se oculos hominum facit, cum id voluntate faciat, non necessitate patiatur : ex ceteris ejus operibus potest conjici, utrum hoc contemptu superflui cultus, an ambitione aliqua faciat : quia et sub ovina pelle cavendos lupos Dominus præcepit : Sed ex fructibus, inquit, eorum cognoscetis eos.

R. Factus est sermo Domini ad Abram, dicens : * Noli timere Abram : ego protector tuus sum, et merces tua magna nimis.

V. Ego enim sum Dominus Deus tuus, qui eduxi te de Ur Chaldæorum. — Noli timere.

Bened. Ad societatem.

Lectio iij.

CUM enim coeperint aliquibus tentationibus ea ipsa scilicet illis subtrahi, vel negari, quæ isto velamine vel consecuti sunt, vel consequi cupiunt : tunc necesse est ut appareat, utrum lupus in ovina pelle sit, an ovis in sua. Non tamen propterea ornatum superfluo debet aspectus hominum mulcere Christianus, quia illum parum habitum ac necessarium etiam simulatores sæpius usurpant, ut incautos decipiant : quia et illæ oves non debent pelles suas depōnere, si aliquando eis lupi se contegant.

R. Movens Abram tabernaculum suum, venit et habitavit juxta convallē Mambre : * Ædificavitque ibi altare Domino.

V. Dixit autem Dominus ad eum : Leva oculos tuos,

et vide : omnem terram quam conspicias, tibi dabo, et semini tuo in sempiternum. — Ædificavitque.

Glória. Ædificavitque.

AD LAUDES

et per Horas.

Omnia ut in Psalt. 96.

Ad Bened. Añā. Cum jejunatis, nolite fieri sicut hypocritæ tristes.

Deinde dicuntur Preces flexis genibus. 72. Et similiter ad omnes Horas, ut in Psalterio.

Oratio.

PRæsta Domine fidelibus tuis : ut jejuniarum veneranda solēnnia, et congrua pietate suscipiant, et secūra devotiōne percūrrant. Per Dominum.

Hodie et duobus sequentibus diebus dicuntur Vesperae hora consueta : Sabbato vero dicuntur ante comestionem.

V. Dirigatur Domine oratio mea. **R.** Sicut incensum in conspectu tuo.

Ad Magnif. Añā. Thesaurizate vobis* thesauros in celo, ubi nec aerugo, nec tinea demolitur.

Deinde dic. Preces. 157.

Oratio.

Inclinantes se, Domine, majestati tuæ, propitiatus intende : ut qui di-

vino munere sunt refecti, cœlestibus semper nutriantur auxiliis. Per Dominum.

FERIA QUINTA.

Pater noster. Absol. Exaudi Dñe. **V.** Jube domne. **Bened.** Evangēlica lectio. Lectio sancti Evangēlii secundum Matthæum.

Lectio j. Cap. viij.

IN illo tempore : Cum introisset Jesus Capharnaum, accessit ad eum centurio, rogans eum, et dicens : Domine, puer meus jacet in domo paralyticus, et male torquetur. Et reliqua.

Homilia sancti Augustini Episcopi.

Lib. 2. de consensu Evangelist. cap. xx. tom. 4.



Ideamus utrum sibi de hoc servo centurionis Matthæus Lucasque consentiant. Matthæus enim dicit : Accessit ad eum centurio, rogans eum, et dicens : Puer meus jacet in domo paralyticus. Cui videtur repugnare quod ait Lucas : Et cum audisset de Jesu, misit ad eum seniores Judæorum, rogans eum ut veniret, et sanaret servum ejus. At illi cum venissent

ad Jesum, rogábant eum sollicité, dicéntes ei : Quia dignus est ut hoc illi præstes : diligit enim gentem nostram, et synagógam ipse ædificávit nobis. Jesus autem ibat cum illis : et cum jam non longe esset a domo, misit ad eum centúrio amicos, dicens : Dómine, noli vexári : non enim dignus sum ut sub tectum meum intres.

℞. Dómine, puer meus jacet paralyticus in domo, et male torquétur : * Amen dico tibi, ego véniam, et curábo eum. ℣. Dómine, non sum dignus ut intres sub tectum meum : sed tantum dic verbo, et sanábitur puer meus. — Amen dico.

Bened. Divínium auxili-
lium.

Lectio ij.

SI enim hoc ita gestum est, quómodo erit verum, quod Matthæus narrat, Accessit ad eum quidam centúrio, cum ipse non accesserit, sed amicos miserit : nisi diligénter adverténtes intelligámus, Matthæum non omnimodo deseruisse usitátum morem loquéndi? Non solum enim dicere solémus, accessisse áliquem étiam

ántequam pervéniat illuc, quod dicitur accessisse : unde étiam dícimus, Parum accessit, vel multum accessit eo, quo appetit pervenire : verum étiam ipsam perveniónem, cujus adipiscéndi causa accéditur, dícimus plerúmque factam, etsi eum, ad quem pervenit, non vídeat ille qui pervenit, cum per amicum pervenit ad áliquem, cujus ei favor est necessarius. Quod ita tenuit consuetúdo, ut jam étiam vulgo perventóres appelléntur, qui poténtium quorúmlibet tamquam inaccessibleibus ánimos, per conveniéntium personarum interpositionem, ambiónis arte pertingunt.

℞. Dum staret. 491.

Bened. Ad societátem.

Lectio iij.

NON ergo absurde Matthæus, étiam quod vulgo possit intélligi, per álios facto accessu centuriónis ad Dóminum, compéndio dicere voluit : Accessit ad eum centúrio. Verúm tamen non negligénter intuénda est étiam sancti Evangelistæ altitúdo mysticæ locutiónis, secúndum quam scriptum est in Psalmo : Accédite

ad eum, et illuminámini. Proinde quia fidem centuriónis, qua vere accéditur ad Jesum, ipse ita laudávit, ut diceret : Non invéni tantam fidem in Israel : ipsum pótius accessisse ad Christum dicere voluit prudens Evangelista, quam illos, per quos verba sua miserat.

℞. Tentávit Dñus. 491.

℣. Repléti sumus mane misericórdia tua. ℞. Exsultávimus, et delectáti sumus.

Ad Bened. Aña. Dómine, * puer meus jacet paralyticus in domo, et male torquétur : Amen dico tibi, ego véniam, et curábo eum.

Oratio.

DEus, qui culpa offenderis, pœniténtia placáris : preces pópuli tui supplicántis propítius respice; et flagélla tuæ iracúndiæ, quæ pro peccátis nostris merémur, avérte. Per Dóminum.

℣. Dirigátur Dómine orátio mea. ℞. Sicut incénsus in conspéctu tuo.

Ad Magnif. Aña. Dómine, * non sum dignus ut intres sub tectum meum : sed tantum dic verbo, et sanábitur puer meus.

Oratio.

PArce Dómine, parce pópulo tuo : ut dignis flagellatióibus castigátus, in tua miseratióne respíret. Per Dóminum.

FERIA SEXTA.

Pater noster. Absolutio. Ipsius pietas. Benedictio. Evangélica léctio.

Léctio sancti Evangelii secúndum Matthæum.

Lectio j. Cap. v. g

IN illo témpore : Dixit Jesus discipulis suis : Audístis quia dictum est : Diliges próximum tuum, et ódio habébis inimicum tuum. Et réliqua.

Homília sancti Hierónymi Presbyteri. Lib. i. Comm. in cap. v. et vj. Matth.

GO autem dico vobis : Diligite inimicos vestros; benefácite his qui odérunt vos. Multi præcépta Dei, imbecillitáte sua, non sanctórum víribus æstimántes, putant esse impossibília quæ præcépta sunt : et dicunt sufficere virtúibus, non odisse inimicos : céterum diligere, plus præcipi, quam humana natúra patiátur. Sciéndum est ergo, Christum non impossibília præci-

pere, sed perfecta. Quae fecit David in Saul, et in Absalom : Stéphanus quoque Martyr pro inimicis lapidantibus deprecatus est : et Paulus anathema cupit esse pro persecutoribus suis. Hæc autem Jesus et docuit et fecit, dicens : Pater ignosce illis : quod enim faciunt, nesciunt.

℞. Angelus Dñi. 492.

Bened. Divinum auxiliū.

LECTIO II.

UT sitis filii Patris vestri, qui in cælis est. Si Dei præcepta custodiens, filius quis efficitur Dei : ergo non est natura filius, sed arbitrio suo. Cum ergo facis eleemosynam, noli tuba canere ante te, sicut hypocritæ faciunt in synagogis et in vicis, ut honorificentur ab hominibus. Qui tuba canit, eleemosynam faciens, hypocrita est. Qui jejunans demolitur faciem suam, ut ventris inanitatem monstret in vultu, et hic hypocrita est. Qui in synagogis et in angulis platearum orat, ut videatur ab hominibus, hypocrita est.

℞. Vocavit Angelus. 492.

Bened. Ad societatem.

LECTIO III.

EX quibus omnibus colligitur hypocritas esse, qui quodlibet faciunt ut ab hominibus glorificentur. Mihi videtur et ille, qui dicit fratri suo : Dimitte ut tollam festucam de oculo tuo : nam propter gloriam hoc facere videtur, ut ipse justus esse videatur. Unde dicitur ei a Domino : Hypocrita, ejice primum trabem de oculo tuo. Non itaque virtus, sed causa virtutis apud Deum mercedem habet. Et si a recta via paululum declinaveris, non interest, utrum ad dexteram vadas, an ad sinistram, cum verum iter amiseris.

℞. Deus domini. 493.

℞. Repleti sumus mane misericordia tua. ℞. Exsultavimus, et delectati sumus.

Ad Bened. Añā. Cum facis* eleemosynam, nesciat sinistra tua quid faciat dextera tua.

ORATIO.

Inchoata jejunia, quaesumus Domine, benigno favore prosequere : ut observantiam, quam corporaliter exhibemus, mentibus etiam sinceris exer-

cere valeamus. Per Dominum nostrum.

Hodie post Laudes dicitur Psalmi Pœnitentiales.

℞. irigatur Domine oratio mea. ℞. Sicut incensum in conspectu tuo.

Ad Magnif. Añā. Tu autem cum oraveris,* intra in cubiculum tuum; et clauso ostio ora Patrem tuum.

ORATIO.

Tuere Domine populum tuum, et ab omnibus peccatis clementer emunda : quia nulla ei nocēbit adversitas, si nulla ei dominetur iniquitas. Per Dominum.

SABBATIC.

Pater noster. Absolutio. A vinculis. Bened. Evangelica lectio.

Lectio sancti Evangelii secundum Marcum.

LECTIO J. Cap. vj. f.

In illo tempore : Cum sero esset, erat navis in medio mari, et Jesus solus in terra. Et reliqua. Homilia venerabilis Bedæ Presbyteri.

Libro 2. cap. xxvii. in cap. vj. Marci, tom. 4.

Abor discipulorum in remigando, et contrarius eis ventus, labores sanctæ Ecclē-

sia varios designat : quæ inter undas sæculi adversantis, et immundorum flatus spirituum, ad quietem patriæ cœlestis, quasi ad fidam littoris stationem, pervenire conatur. Ubi bene dicitur, quia navis erat in medio mari, et ipse solus in terra : quia nonnunquam Ecclēsia tantis Gentilium pressuris non solum afflicta, sed et foedata est, ut, si fieri posset, Redemptor ipsius eam prorsus deseruisse ad tempus videretur.

℞. Veni hodie. 500.

Bened. Divinum auxiliū.

LECTIO II.

Unde est illa vox ejus inter undas procellasque tentationum irruentium deprehensæ, atque auxiliū protectionis illius gemebundo clamore quaerentis : Ut quid Domine recessisti longe, despicis in opportunitatibus, in tribulatione? Quæ pariter vocem inimici persequentis exponit, in sequentibus Psalmi subjiciens : Dixit enim in corde suo, Oblitus est Deus, avertit faciem suam, ne videat usque in finem.

℞. Factus est sermo. 500.

Bened. Ad societatem.

Lectio iij.

Verum ille non obliviscitur orationem pauperum, neque avertit faciem suam a sperantibus in se : quin potius et certantes cum hostibus, ut vincant, adjuvat, et victores in aeternum coronat. Unde hic quoque aperte dicitur, quia vidit eos laborantes in remigando. Videt quippe Dominus laborantes in mari, quamvis ipse positus in terra : quia etsi ad horam differre videatur auxilium tribulatis impendere, nihilominus eos, ne in tribulationibus deficiant, suae respectu pietatis corroborat : et aliquando etiam manifeste adiutorio, victis adversitatibus, quasi calcatis sedatisque fluctuum voluminibus, liberat.

R. Movens Abram. 500.

V. Repleti sumus mane misericordia tua. **R.** Exultavimus et delectati sumus.

Ad Bened. Añ. Me etenim* de die in diem quaerunt, et scire vias meas volunt.

Oratio.

Adesto Domine supplicationibus nostris, et concede : ut hoc solenne

jejunium, quod animabus, corporibusque curandis salubriter institutum est, devoto servitio celebremur. Per Dominum.

SABBATO PRIMO
IN QUADRAGESIMA.

AD VESPERAS.

Capitulum. 2. Cor. vj.

Ratres, Hortamur vos, ne in vacuum gratiam Dei recipiatis. Ait enim : Tempore accepto exaudi te, et in die salutis adjuvi te.

Hymnus.

Audi, benigne Conditor,
Nostras preces cum flentibus,

In hoc sacro jejunio
Fusas quadragenario.
Scrutator alme cordium,
Infirma tu scis virium :
Ad te reversis exhibe
Remissionis gratiam.

Multum quidem peccavimus,
Sed parce confitentibus :

Ad nominis laudem tui
Confer medelam languidis.

Concede nostrum conteri
Corpus per abstinentiam;
Culpae ut relinquunt
pabulum
Jejuna corda criminum.

Præsta beata Trinitas,
Concede simplex Unitas;
Ut fructuosa sint tuis
Jejuniorum mûnera.

Amen.

V. Angelis suis Deus mandavit de te. **R.** Ut custodiant te in omnibus viis tuis.

Ad Magnif. Añ. Tunc invocabis, * et Dominus

exaudiet : clamabis, et dicet, Ecce adsum.

Oratio.

Deus, qui Ecclesiam tuam annua Quadragesimali observatione purificas : præsta familiæ tuæ, ut quod a te obtinere abstinendo nititur, hoc bonis operibus exsequatur. Per Dominum.

